

方以類聚

嘔吐

潔古謂吐證有三。氣積寒也。上焦在胃口。上通於天。氣主內而不出。中焦在中脘。上通天氣。下通地氣。主腐熟水穀。下焦在臍下。下通於地氣。主出而不內。是故上焦吐者。皆從於氣。氣者天之陽也。其證食已暴吐。氣上衝胸而發痛。治當降氣和中。中焦吐者。皆從於積。有陰有陽。食與氣相假爲積而痛。其證或先痛後吐。或先吐後痛。法當小毒去積。下焦吐者。皆從於

寒地道也。其證朝食暮吐。暮食朝吐。治當通閉溫寒。
準繩謂繫古以吐分三焦。其說本於內經。上焦食已
暴吐者。今世謂之嘔吐也。中下二焦食久而吐。食再
而吐者。今世謂之膈氣反胃也。東垣謂嘔吐噦皆屬
於胃。胃者總司也。內有太陽陽明少陽三經之別。嘔
者陽明也。陽明多血多氣。故有聲有物。氣血俱病也。
吐者太陽也。太陽多血少氣。故有物無聲。乃血病也。
噦者少陽也。少陽多氣少血。故有聲無物。乃氣病也。

究三者之源。皆因脾氣虛弱。或因寒氣客胃。加之飲食所傷而致。趙以德謂陰陽氣血隨處有定分。獨脾胃得之。則法天地人。而三才之道備。故胃有上中下三脘。上脘法天爲陽。下脘法地爲陰。中脘發氣交之分。陽清而陰濁。故陽所司者氣。陰所司者血。然陽中亦有陰。陰中亦有陽。於是上脘氣多血少。則體乾道之變化動也。下脘血多氣少。則體坤道之資生靜也。中脘氣血相半。故運上下動靜升降之氣行。由是物

之入胃。各從類聚。水飲者物之清。穀食者物之濁。然清中有濁。濁中有清。故飲之清者。必先上輸於司氣之肺。而後四布爲津爲液。清中之濁者。則下輸膀胱。爲便溺出焉。食之清者。亦必先淫精於司血之心肝。以養筋骨經脉。更化榮衛。流注百骸。濁中之濁者。則自下脘變糟粕。傳送下大腸出焉。若邪在上脘之陽。則氣停。氣停則水積。故飲之清濁混亂。則爲痰爲飲。爲涎爲唾。變而成嘔。邪在下脘之陰。則血滯。血滯則

穀不消。故食之清濁不分。而爲噎。爲痞。爲痛。爲脹。變而成吐。邪在中脘之氣交者。盡有二脘之病。是故嘔從氣病。法天之陽動而有聲。與飲俱出。猶雷震必雨注也。吐從血病。法地之陰靜而無聲。與食俱出。象萬物之吐出於地也。氣血俱病。法陰陽之氣交。則嘔吐並作。飲食皆出。然在上脘。非不吐食也。設陽中之陰亦病。則食入卽吐。不得納於胃也。非若中脘之食已而後吐。下脘之食久方出。其下脘非不嘔也。設陰中

之陽亦病則吐與嘔齊作然嘔少於吐不若上皖之嘔多於吐也。

○上氣嘔吐芥子末蜜丸梧子大井華水寅時下七粒申時再服

○嘔吐痰水白檳榔一顆烘熟橘皮二錢半炙爲末水一盞煎半盞溫服

○嘔吐不止生薑一兩酢漿四合銀器煎取二合連滓呷之又殺腹內長蟲

十一卷

○胃冷有痰脾弱嘔吐生附子半夏各二錢薑十片
水二盞煎七分空心溫服一方并炮熟加木香五
分

○胃冷嘔逆氣厥不通母丁香三箇陳橘皮一塊去
白焙水煎熱服

○胃弱嘔逆不食用草豆蔻仁二枚高良薑半兩水
一盞煮取汁入生薑汁半合和白麪作撥刀以羊
肉臠汁煮熟空心食

嘔吐
訶黎勒皮二兩炒研糊丸梧子大每空心湯服二
十日三

○嘔逆厥逆內有寒痰半夏一升洗滑焙研小麥麴
一升水和作彈丸水煮熟初吞四五枚日三服稍
增至十五枚旋煮旋吞覺病減再作忌羊肉錫糖
○嘔逆不止眞火酒一盃新汲井水一盃和服

○麻仁杵熬水研取汁著少鹽飲

○暴得吐逆不下食生滑石末二錢溫水服仍以細

麪半盞押定

○吐逆連日粥飲湯藥不能下者五靈脂治淨爲末
狗膽汁和丸芡子大每一圓煎生薑酒磨化猛口
熱吞不得漱口急將溫粥少許壓之

○不能納食及藥危甚者先飲陰陽水數口

○服玉壺諸丸不效者用藍汁入口卽定蓋取殺蟲
降火爾

○瘡氣嘔吐綠豆粉三錢乾胭脂半錢研勻新汲水

調下

○碧霞丹治吐逆不止用北黃丹四兩米酢半升煎乾炭火三秤就銚內煨紅冷定爲末粟米飯丸梧子大每七粒酢湯下

○槐花散大凡吐多是膈熱熱且生痰此藥能化胃膈熱涎阜角去皮燒煙絕白礬熬沸定槐花炒黃黑色甘草炙各等分爲末每二錢白湯調下

○猪苓散猪苓茯苓白朮各等分杵爲散飲服方寸

七日三

○治中湯卽理中湯加陳皮青皮等分

○橘皮半夏湯治積氣痰痞不下飲食嘔吐不止陳皮去白半夏各二兩生薑一兩半共咬咀水五鍾煎二大鍾去滓分三服食後臨臥

○吳茱萸湯治嘔而胸滿用茱萸一升棗二十枚生薑一大兩人蔞一大兩水五升煎三升每服七合

白三

。丁香吳茱萸湯治嘔吐噦胃寒所致吳茱萸草豆
蔻人參蒼朮黃芩各一錢升麻七分當歸一錢半
柴胡半夏茯苓乾薑丁香甘草各五分共爲細末
每半兩水二盞煎一盞去渣食前熱服忌冷物
冷痢 食嘔吐大槩理中爲先又有中脘伏痰遇冷
卽發俗謂之冷痢。

。新法半夏湯治脾胃氣弱痰飲不散嘔逆酸水腹
肋脹痞頭旋惡心不思飲食縮砂仁神麴炒陳皮

去白草果仁各一兩白豆蔻仁丁香各半兩大半
夏四兩湯洗七次切作兩片白礬末一兩沸湯浸
一晝夜洗去礬俟乾一片切作兩片薑汁浸一晝
夜隔湯頓焙乾爲末薑汁拌成餅炙黃用甘草二
兩半生半炙共爲細末每二錢先用生薑自然汁
調成膏入炒鹽湯不拘時點服

○搗脾湯麻油四兩良薑十五兩茴香炒七兩半甘
草十一兩七錢炒鹽一斤同藥炒爲細末每用一

錢不拘時白湯點服

漏氣 身背皆熱肘臂牽痛其氣不續膈門厭悶食
入卽先嘔而後下名曰漏氣此因上焦熱風閉其
腠理經氣失道邪氣內著

○麥門冬湯治漏氣因上焦傷風開其腠理上焦之
氣慄悍滑疾遇開卽出經氣失道邪氣內著故有
是證麥門冬去心生蘆根竹茹白朮各五兩甘草
炙茯苓各二兩人茯苓陳皮萎蕤各三兩共判散每

四大錢水一盞半薑五片陳米一撮煎七分去滓
熱服

走嘔 下焦實熱。大小便不通。氣逆不續。嘔逆不禁。
名曰走嘔。

○人蓯湯治走嘔。蓋下焦氣起於胃。下口別入回腸。
注於膀胱。并與胃傳糟粕而下大腸。今大小便不
通。故知下焦實熱之所爲也。人蓯黃芩知母萎蕤
茯苓各三錢。蘆根竹茹白朮梔子仁陳皮各半兩。

石膏煨一兩共劉散每四錢水一盞半煎七分去滓溫服

吐食

○脾虛吐食羊肉半斤作生以蒜薤醬豉五味和拌空腹食之

○食已卽吐胃中有火也大黃一兩甘草二錢半水一升煮半升溫服

○朝食暮吐丁香十五箇研末甘蔗汁薑汁和丸蓮